


JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 101- 16212-1/19 MS
Zenica, 04.12.2019. godine



Na osnovu člana 69. stav 3, Zakona o javnim nabavkama („Službeni glasnik BiH“, broj 39/14), a u skladu sa članom 26. i 27. Statuta Javnog preduzeća «Vodovod i kanalizacija», postupajući prema Rješenju Ureda za razmatranje žalbi BiH, filijala Mostar, broj: JN2-03-07-1-2780-8/19 od 21.11.2019. godine, direktor Javnog preduzeća «Vodovod i kanalizacija» d.o.o. Zenica donosi

ODLUKU
o otkazivanju postupka za nabavku usluga
sistematske deratizacije kanalizacione mreže sa šahtovima i izlivnim kolektorima,
upravne zgrade (6 ciklusa)

I

Otkazuje se postupak javne nabavke za nabavku usluga sistematske deratizacije kanalizacione mreže sa šahtovima i izlivnim kolektorima, upravne zgrade (6 ciklusa), iz razloga predviđenih u članu 69. Stav 3. Zakona o javnim nabavkama.

Istovremeno se poništava Odluka o pokretanju postupka javne nabavke za nabavku usluga broj: 101-14240/19BS od 18.10.2019. godine i Odluka o izmjeni Odluke o pokretanju postupka za nabavku usluga, broj: 101-15459/19BS od 15.11.2019. godine.

II

Za realizaciju ove Odluke zadužuje se Komisija za nabavke, te Komercijalna služba i Tehnička služba u Preduzeću.

III

Ova Odluka stupa na snagu danom donošenja.

IV

U skladu sa članom 70. stav (6) Zakona o javnim nabavkama JP «ViK» d.o.o. Zenica će ovu Odluku objaviti na svojoj internet stranici <http://www.vikze.ba/>, te će na Portalu javnih nabavki objaviti Obavještenje o poništenju.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-14240/19BS od 18.10.2019. godine.

Dana, 18.10.2019. godine na portalu e-nabavki, istovremeno sa objavljivanjem Obavještenja o nabavci broj: 439-7-2-498-3-82/19, objavljena je i tenderska dokumentacija za predmetni postupak.

Na predmetnu Tendersku dokumentaciju dana, 29.10.2019. godine, potencijalni ponuđač JU Institut za zdravlje i sigurnost hrane Zenica, zastupan po punomoćniku Hinović Mahiru, adevokatu iz Jelaha, dostavio je Žalbu koja je kod ugovornog organa protokolirana pod brojem: 716-14723/19.

Postupajući po predmetnoj Žalbi, ugovorni organ je dana, 01.11.2019.godine, donio Rješenje o djelimičnom usvajanju žalbe, broj: 101-14723-1/19.

Navedenin Rješenjem ponuđač nije bio zadovoljan, te je dana, 05.11.2019.godine ponovo, putem ugovornog organa, Uredu za razmatranje žalbi, izjavio Žalbu na Rješenje o djelimičnom usvajanju žalbe broj:101-14723-1/MS od 01.11.2019.godine.

Postupajući po predmetnoj Žalbi, URŽ filijala Mostar dana, 28.11.2019.godine ugovornom organu dostavio je Rješenje broj: JN2-03-07-1-2780-8/19 od 21.11.2019.godine, kojim je poništena tenderska dokumentacija broj:713-14914-1/19BS od 01.11.2019.godine i Obavještenje o nabavci broj: 439-7-2-498-3-82/19 od 18.10.2019.godine, kao i Ispravka obavještenja broj:439-7-2-498-8-85/19 od 04.11.2019.godine.

S obzirom da portal e-nabavki ne predviđa mogućnost unosa novog obavještenja o nabavci, nego je samo ostavljena mogućnost ispravke već objavljenog obavještenja, ugovorni organ, postupajući po Rješenju URŽ-a ne može objaviti novo obavještenje. U ovakvim okolnostima, koje su izvan kontrole ugovornog organa, a koje ugovorni organ nije mogao predvidjeti, radi donošenja i objave novog obavještenja o nabavci, nužno je pokrenuti i novi postupak, zbog čega je ugovorni organ odlučio kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema iste.



DIREKTOR:

Pašalić Emir
Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Komercijalna služba
- 1 x Sektor za investicije i razvoj
- 3 x Članovima Komisije
- 1 x Sekretar Komisije
- 1 x web stranica JP"ViK"d.o.o. Zenica: <http://www.vikze.ba/>
- 1 x a/a